



Broj: 04-40-1-284/24
Sarajevo, 12.10.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 11.10.2024. do 08:30 sati 12.10.2024. godine

Štab civilne zaštite Kantona Sarajevo (u daljnjem tekstu: Štab) je u skladu sa Odlukom Vlade Federacije Bosne i Hercegovine o proglašenju stanja prirodne nesreće uzrokovane poplavama i klizištima na području Federacije BiH, broj: 1520/2024 od 04.10.2024. godine i Naredbom Federalnog štaba civilne zaštite, broj: 12-04-3-432/24 od 04.10.2024. godine, u toku prethodnog dana na ublažavanju i otklanjanju posljedica od poplava i klizišta na pogođenim područjima angažovao slijedeće strukture zaštite i spašavanja Kantona Sarajevo:

- na području Općine Jablanica, naselje Donja Jablanica, službe zaštite i spašavanja Kantona Sarajevo sa teškom mehanizacijom (pauk bager, pet bagera rovokopača i dva velika kamiona) sa posadama;
- na području Grada Konjica, naselje Buturović Polje i sela ispod planine Bitovinje na čišćenju puteva i korita vodotoka službe zaštite i spašavanja Kantona Sarajevo sa dvije radne mašine (buldozer CAT i bager CAT rovokopač) sa posadom;
- na području Općine Kreševo na sanaciji putne komunikacije od Sastavaka prema selu Gunjani i raščišćavanju prostora, KJKP Rad d.o.o. Sarajevo sa dvije radne mašine (kombinovana mašina-SKIP i kamion kiper) sa posadom;
- na području Općine Kreševo, naselje Deževice, služba zaštite i spašavanja Općine Ilidža sa radnom mašinom (SKIP) i putničkim vozilom sa posadom (2 pripadnika) na raščišćavanju putne komunikacije i čišćenju vodotoka.

Štab je dana, 11.10.2024. godine u 12:00 sat održao nastavak vanredne sjednice na kojoj je razmotrio zaključke općinskog štaba civilne zaštite Stari Grad i zahtjeve od Općinske službe civilne zaštite Stari Grad, koji se odnosi na opasnosti od pojave klizište i izlivanje Bistričkog potoka koje je prouzrokovala gradnja stambeno-poslovnog kompleksa Hilis, Zlatište, te je na osnovu istih donio:

- Naredbu kojom se naređuje Općinskom štabu civilne zaštite Stari Grad da odmah bez odlaganja postupi po Naredbi Štaba, broj: 08-40-1007-3/24 od 09.10.2024. godine, kojom

je Općinskom štabu civilne zaštite Stari Grad naređeno da u okviru svoje nadležnosti poduzme aktivnosti i mjere u vezi sa Preliminarnim izvještajem Zavoda za izgradnju Kantona Sarajevo od 09.10.2024. godine, kao i da kontinuirano vrši neposredni nadzor i osmatranje na ugroženom području, kontinuiranu analizu i procjenu stanja, te eventualno u slučaju potrebe izvrši evakuaciju stanovništva i da o istom izvještava Štab.

- Zaključak, kojim se između ostalog, konstatuje da zaključci općinskog štaba civilne zaštite Stari Grad i zahtjevi od Općinske službe civilne zaštite Stari Grad nisu u skladu sa Naredbom Štaba, broj: 08-40-1007-3/24 od 09.10.2024. godine, kao i odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), da je Štab navedenom Naredbom naredio svim relevantnim institucijama da poduzmu aktivnosti iz svoje nadležnosti, te tako pružio stručnu pomoć Općinskom štabu civilne zaštite Stari Grad, da je Štab tražio od Federalnog štaba civilne zaštite da naredi Federalnoj upravi na inspeksijske poslove i drugim nadležnim organima da hitno poduzmu neophodne aktivnosti u cilju zaštite i spašavanja ljudi i materijalnih dobara u vezi sa Preliminarnim izvještajem Zavoda za izgradnju Kantona Sarajevo od 09.10.2024. godine. Predmetnim zaključkom Štab je zatražio od Zavoda za izgradnju Kantona Sarajevo da zbog alarmantnog stanja na terenu odmah dostavi konačni izvještaj za lokalitet klizišta Curine njive, te zatražio od Federalnog štaba civilne zaštite da dostavi izvještaj o aktivnostima koje su poduzeli do sada federalni organi u vezi Preliminarnog izvještaja Zavoda za izgradnju Kantona Sarajevo od 09.10.2024. godine.
- Zaključak da komandant i načelnik Štaba upoznaju javnost o mjerama i aktivnostima koje je poduzeo Štab, vezano za pojavu klizišta na području Općine Stari Grad Sarajevo.

Štab je također, donio naredbu kojom se stavlja van snage naredba Štaba, kojom je naređuje općinskim štabovima civilne zaštite Ilidža i Hadžići da odmah iz svojih općinskih službi zaštite i spašavanja angažuju po jednu radnu mašinu (Skip) sa posadom i upute ih na područje zahvaćeno poplavama u Općini Kreševo.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 11.10.2024. godine u 12:10 sati, od građanina, da je u ul. Bojnička br. 45., Općina Ilidža, pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji su pronađeno neeksplozivno ubojno sredstvo preuzeli isti dan.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su dvije manje intervencije, jednu nagašenju zapaljenog dimnjaka i jednu na gašenju zapaljenog smeća u kontejneru.

Općinski operativni centar civilne zaštite Stari Grad: Općinski štab civilne zaštite je organizovao 24-satno osmatranje terena na lokalitetima Curine njive i Bistričkog potoka. Izlaskom na lice mjesta uočeno je da su na terenu i dalje prisutne duboke pukotine tla koje su u međuvremenu napunjene vodom uslijed kišnih padavina, te da je korito Bistričkog potoka djelimično zasuto materijalom sa deponije i obrušenim stablima i da u toku dana nisu uočena nova obrušavanja materijala sa deponije i stabla. Prema izjavama investitora i izvođača radova stambeno-poslovnog kompleksa Hilis na lokalitetu Zlatište – Trebević i izvršenim uvidom na licu mjesta, utvrđeno je da su obustavljeni daljnji radovi na nasipanju novog materijala, te da će se u toku 11. oktobra izvršiti otkopavanje ranije postavljenih drenažnih cijevi, kako bi se podzemne vode preventivno preusmjerile

na drugi lokalitete i da će investitor i izvođač radova za dane vikenda angažovati fizička lica koja će djelimično izvršiti uklanjanje kamenog materijala i stabala iz Bistričkog potoka.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 11°C, vlažnost zraka 99%, barometarski pritisak 944,2 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a